

1696


TP0127

千福寺多寶塔感應碑文

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
MAR 1 1946



大唐西京千福寺多寶
佛塔感應碑文
南陽岑勛撰
朝議郎判尚書武部員
外郎琅邪顏真卿書



朝散大夫檢校尚書都
官郎中東海徐浩題額
粵妙法蓮華諸佛之祕
藏也多寶佛塔證經之
踴現也發明資乎十力

弘建在於四依有禪師
法号楚金姓程廣平人
也祖父並信著釋門慶
歸法胤母高氏久而無
妊夜夢諸佛覺而有娠

是生龍象之徵無取熊
羆之兆誕弥厥月炳然
殊相岐嶷絕於輦茹髫
齒不為童遊道樹萌牙
符豫章之楨幹禪池畎

澮涵巨海之波濤年甫
七歲居然厭俗目誓出
家禮藏探經法華在手
宿命潛悟如識金環摠
持不遺若注瓶水九歲

落髮住西京龍興寺從
僧錄也進具之年昇座
講法頃收珍藏異窮子
之疾走直詣寶山無化
城而可息尔後因靜夜

持誦至多寶塔品身心
泊然如入禪定忽見寶
塔宛在目前釋迦分身
遍滿空界行動聖現業
淨感深悲生悟中淚下

如雨遂布衣一食不出
戶庭如滿六年誓建茲
塔既而許王瓘及居士
趙崇信女普意善來稽
首咸捨珍財禪師以為

輯莊嚴之因資爽塏之
地利見千福默議於心
時千福有懷忍禪師忽
於中夜見有一水發源
龍興流注千福清澄泛

灩中有方舟又見寶塔
自空而下久之乃滅即
今建塔處也寺內淨人
名法相先於其地復見
燈光遠望則明近尋即

滅竊以水流開於法性
舟泛表於慈航塔現北
於有成燈明示於無盡
非至德精感其孰能與
於此及禪師建言雜然

歡慙負畚荷插于橐于
囊登登憑憑是板是築
灑以香水隱以金鋌我
能竭誠工乃用壯禪師
每夜於築階所懇志誦

經勵精行道衆聞天樂
咸嗅異香喜歎之音聖
凡相半至天寶元載創
構材木肇安相輪禪師
理會佛心感通

帝夢七月十三日
勅內侍趙思侶求諸寶
坊驗以所夢入寺見塔
禮問禪師聖夢有孚
法名惟肖其日賜錢五

十萬緡千匹助建修也
則知精一之行雖先
天而不違純如之心當
後佛之授記管漢明永
平之日大化初流

我皇天寶之年寶塔斯
建同符千古昭有烈光
於時道俗景附檀施山
積庀徒度財功百其倍
矣至二載勅中使楊

順景宣

百令禪師

於花萼樓下迎多寶塔
額遂摠僧事備法儀
宸睠俯臨額書下降又
賜絹百疋
聖札飛

毫動雲龍之氣象
天文挂塔駐日月之光
輝至四載塔事將就表
請慶齋歸功
帝力時
僧道四部會逾萬人有

五色雲團輔塔頂衆盡
瞻覩莫不芴悅大哉觀
佛之光利用賓于法王
禪師謂同學曰鵬運滄
溟非雲羅之可頓心遊

痾滅豈愛納之能加精
進法門菩薩以自強不
息本期同行復遂宿心
鑿井見泥去水不遠鑽
木未熟得火何階凡我

七僧率懷一志晝夜塔
下誦持法華香煙不斷
經聲遞續炯以為常沒
身不替自三載每春秋
二時集同行大德四十

九人行法華三昧尋奉
恩旨許為恒式前後道
場所感舍利凡三千七
十粒至六載欲葬舍利
預嚴道場又降一百八

粒畫普賢變於筆鋒上
聯得一十九粒莫不圓
體自動浮光瑩然禪師
無我觀身了空求法先
刺血寫法華經一部菩

薩戒一卷觀普賢行經
一卷乃取舍利三千粒
盛以石函兼造自身石
影跪而戴之同置塔下
表至敬也使夫舟遷夜

壑無變度門劫筭墨塵
永垂貞範又奉為
主上及蒼生寫妙法蓮
華經一千部金字三十
六部用鎮寶塔又寫一

千部散施受持靈應既
多具如本傳其載
勅內侍吳懷寶賜金銅
香鑪高一丈五尺奉表
陳謝手詔批云師弘濟

之願感達人天莊嚴之
心義成因果則法施財
施信所宜先也
主上握至道之靈符受
如來之法印非禪師大

慧超悟無以感於
宸衷非主上至聖文
明無以鑒於誠願倬彼
寶塔為草梵宮經始之
功真僧是葺克成之業

程主斯宗尔其為狀也
則岳脊蓮披雲垂蓋偃
下欵崛以踣地上亭盈
而媚空中晦晦其靜深
旁赫赫以弘敞礪礪承

陞琅玕絳檻玉瑱居楹
銀黃拂戶重簷疊牀畫
拱反宇環其壁璫坤靈
鼎屬以負砌天祇儼雅
而翊戶或復肩架摯鳥

肘環脩地冠盤巨龍帽
抱猛獸勃如戰色有與
其容窮繪事之筆精選
朝英之偈贊若乃開局
鐫窺奧秘二尊分座疑

對鷲山千帙發題若觀
龍藏金碧晃晃環珮歲
莖至於列三乘分八部
聖徒翕習佛事森羅方
寸千名盈尺萬象大身

現小廣座能卑須弥之
容欵入芥子寶蓋之狀
頓覆三千昔衡岳思大
禪師以法華三昧傳悟
天台智者尔来寂寥罕

契真要法不可以久廢
生我禪師克嗣其業繼
明二祖相望百年夫其
法華之教也開玄關於
一念照圓鏡於十方指

陰界為妙門
駢塵勞為
法侶聚沙能成佛道合
掌已入聖流三乘教門
揔而歸一八萬法藏我
為最雄譬猶滿月麗天

螢光列宿山王映海蟻
垤羣峯嗟乎三界之沈
寐久矣佛以法華為木
鐸惟我禪師超然深悟
其兒也岳瀆之秀冰雪

之姿果脣貝齒連日月
面望之厲即之溫覩相
未言而降伏之心已過
半矣同行禪師抱玉飛
錫寵衡台之祕躅傳止

觀之精義或名高
帝選或行密衆師共弘
開示之宗盡契圓常之
理門人苾芻如巖靈悟
淨真真空法濟等以定

慧為文質以戒忍為剛
柔含朴玉之光輝等旃
檀之圍繞夫發行者因
因圓則福廣起因者相
相遣則慧深求無為於

有為通解脫於文字舉
事徵理含毫強名偈曰
佛有妙法比象蓮華圓
頓深入真淨無瑕慧通
法界福利恒沙直至寶

所俱乘大車其於戲上
士發行正勤緬想寶塔
思弘勝因圓階已就層
覆初陳乃昭帝夢福
應天人其輪奐斯崇為

章淨域真僧草創
聖主增飾中座眈眈飛
簷翼翼荐臻靈感歸
我帝力三其念彼後學心
滯迷封昏衢未曉中道

難逢常驚夜杵還懼真
不有禪伯誰明大宗
其大海吞流崇山納壤
教門稱頓慈力能廣功
起聚沙德成合掌開

無上具情塵
雖雜性海無漏定養聖
胎染生迷轂斷常起縛
空色同認簷蔔現前餘
香何嗅其形形法字繫

我四依事該理暢玉粹
金輝慧鏡無垢慈燈照
微室其天寶十一載歲次壬
辰四月乙丑朔廿二日

戊戌建勅檢校塔使
正議判官內府丞車沖
檢校僧義方
河南史華

